



FRÉTTABRÉF BSSL

EFNI BRÉFSINS:

Nautgriparræktarferð til Hollands	2
Afurðarstöðvarverð til bænda hækkar	2
Hönnun fjósa	3
Ábending til ábúenda á lög- býlum	3
Rekstur kúabúa 2006.....	3
Félagsráðsfundur FKS 15. okt. 2007	4
Skýrsluhald í hrossarækt ...	6
DNA- greining hrossa	6
Kynbótasýning á starfssvæði BSSL	7

Á DÖFINNI:

- **31. okt.**
Námskeið: Grunnatriði í bókhaldi og dkBúbót Hvanneyri
- **9. nóv.**
Klaufskurðarbás sýndur Stóra-Ármót
- **10. nóv.**
Ráðstefna: Hrossarækt 2007
Súlnasalur, Hótel Sögu
- **13. nóv.**
Námskeið: Jarðvegur, áburður og áburðarnotkun Stóra-Ármót
- **15. nóv.**
Námskeið: Er hægt að lækka fjármagns- kostnaðinn?
Hvanneyri

Fundarboð

Haustfundur Hrossaræktarsamtaka Suðurlands verður haldinn í Þingborg **fimmtudaginn 1. nóvember og hefst kl. 20:00.**

Guðlaugur Antonsson hrossaræktarráðunautur BÍ verður með framsögu á fundinum. Stjórnin hvetur félagsmenn til að fjölmenna á fundinn og taka þátt í umræðum. Kaffi og meðlæti í boði samtakanna.

Folaldasýning Hrossaræktarsamtaka Suðurlands

Árleg folaldasýning samtakanna fer fram í Ölfushöllinni laugardaginn **3. nóvember n.k. kl. 14:00.** Upplýsingar og skráning er í síma 866 1230 og/eða odinn@bssl.is

Skráningarfrestur er til 31. október. Miðaverð kr. 1.500 en frítt fyrir yngri en 16 ára. Heiðurshryssa Suðurlands og Afreksnapi Suðurlands heiðruð. Mörg af falletustu folöldum landsins munu koma fram á sýningunni.

Frábær skemmtun fyrir alla fjölskylduna

Sauðfjarræktarfundir BSSL

Sauðfjarræktarfundir BSSL verða haldnir 21. og 22. nóvember n.k. Nánar auglýst síðar

Klaufskurðarbásinn er kominn

Klaufskurðarbás Kynbótastöðvar Suðurlands er kominn og tilbúinn að takast á við verkefni. Kynbótastöðin mun annast rekstur bássins og klaufskurðarmeistari Kynbótastöðvarinnar verður Guðmundur Skúlason (Mummi) sem sunnlenskir bændur þekkja sem afleysingamaðinn í sæðingum. Honum til aðstoðar verður Reynir Þór Jónsson á Hurðarbaki. Ekki er boðið upp á að bændur fái básinn leigðan til að annast klaufskurðinn sjálfir. Pantanir fara fram á skrifstofu BSSL í síma 480-1800 eða í GSM 862-1984.

Mummi sótti námskeið í klaufskurði í Danmörku sl. vor ásamt nafna sínum Guðmundi Hallgrímssyni á Hvanneyri sem sjá mun um klaufskurð á samskonar bás á Vesturlandi. Fyrirhugað er að halda kynningu á básnum föstudaginn 9. nóvember n.k. á Stóra-Ármóti frá klukkan 13 til 16, en þá verður hér á landi danski klaufskurðarmeistarinn sem þeir félagar sóttu námskeiðið til í vor.

Nautgripæræktarferð til Hollands

Búnaðarsamband Suðurlands stendur fyrir nautgripæræktarferð til Hollands dagana 29. mars til 3. apríl 2008 í tilefni af 100 ára afmæli Búnaðarsambandsins.

Skipulag ferðarinnar miðar að því að þátttakendur nái að upplifa og sjá eins mikið af hollenskri nautgripærækt og mögulegt er á þeim tíma sem ferðin varir auk þess að kynna Hollandi, menningu þess og sögu. Á dagskrá er heimsókn á þrjú kúabú auk tilraunafjósanna í Waiboerhoeve (Wageningen). Þá verður eitt holdanautabú sótt heim. Mjaltatækni verður einnig sinnt m.a. með heimsókn í Lely-verksmiðjurnar. Þá verða höfuðstöðvar Holland Genetics í Arnhem skoðaðar en fyrirtækið er eitt af stærstu kynbótastöðvum heims.

Borgirnar Amsterdam og Rotterdam verða heimsóttar, m.a. með siglingum um síki Amsterdam og höfnina í Rotterdam sem er einhver stærsta hafnaraðstaða í heiminum. Auk þess gefst ferðalöngum færi á að njóta dagsstundar í Amsterdam á eigin vegum þar sem skoða má fjölmargar byggingar, versla eða bara slappa af.

Verð*:

31-35 þátttakendur: kr. 105.000,-

36-40 þátttakendur: kr. 103.000,-

Aukagjald fyrir einbýli er kr. 15.500,-

Innifalið í verði ferðarinnar er flug og rúta í Hollandi, gisting m/morgunverði, máltíðir sem nefndar eru í dagskránni (utan drykkja) auk aðgangseyris á söfn og staði sem nefndir eru í dagskránni.

*Verð miðað við gengi og fargjöld 3. september 2007

Skráning í ferðina er hjá Búnaðarsambandi Suðurlands í síma 480 1800. Nánari upplýsingar gefur Guðmundur Jóhannesson, mundi@bssl.is.

DAGSKRÁ:

1) Laugardagur 29. mars 2008

- brottför frá Keflavík kl. 07:50
- landing á Schiphol, Amsterdam um kl. 11:50
- heimsókn á kúabú og snæddur hádegisverður á leiðinni
- skoðunarferð um Amsterdam
- sigling um síki Amsterdam sem oft er nefnd Feneyjar norðursins.
- kvöldverður, gisting og morgunverður á hóteli í AMSTERDAM

2) Sunnudagur 30. mars 2008

- heimsókn til bæjarins Zaanse Schans; bærinn gefur mjög góða mynd af því hvernig hollensk þorp litu út á 17. og 18. Öld
- dæmigerður hollenskur hádegisverður (pönnukökur) á veitingastað í Zaanse Schans
- haldið til Lelystad um Markerwaardijk-stífluna

- Nieuw Land Poldermuseum safnið skoðað en þar er að finna miklar upplýsingar um stíflugerð og landþurrkun Hollendinga
- kvöldverður, gisting og morgunverður á hóteli í AMSTERDAM

3) Mánudagur 31. mars 2008

- haldið til Lelystad
- Waiboerhoeve-tilraunastöðin skoðuð; þar eru m.a. fjögur tilraunafjós. Í tveimur þessara fjósa er unnið með hátækni búnað annars vegar og lágmarkur kostnaðar hins vegar í því skyni að minnka framleiðslukostnað eins og mögulegt er. Í hinum tveimur er einkum unnið að fódur- og fódunarrannsóknnum. (sjá: <http://www.pv.wageningen-ur.nl/english/>)
- hádegisverður á tilraunastöðinni
- heimsókn á kúabú í Province Flevopolder
- kvöldverður, gisting og morgunverður á hóteli í AMSTERDAM

4) Þriðjudagur 1. apríl 2008

- haldið til Arnhem
- Holland Genetics kynbóta- og nautastöðin í Arnhem sótt heim
- hádegisverður á veitingastað í Arnhem
- haldið til Rotterdam og kúabú heimsótt á leiðinni
- sigling um höfnina í Rotterdam en þar er að finna einhverja stærstu hafnaraðstöðu í heiminum
- kvöldverður, gisting og morgunverður á hóteli í ROTTERDAM

5) Miðvikudagur 2. apríl 2008

- haldið til Maassluis þar sem Lely verksmiðjurnar verða heimsóttar en Lely framleiðir m.a. mjaltþjóna sem eru vel þekktir á Íslandi.
- hádegisverður á veitingastað
- haldið til Amsterdam og holdanautabú heimsótt á leiðinni
- kvöldverður, gisting og morgunverður á hóteli í AMSTERDAM

6) Fimmtudagur 3. apríl 2008

- frjáls tími í Amsterdam eftir morgunverð
 - brottför frá Schiphol kl. 14:00
 - landing í Keflavík kl. 15:10
- Dagskráin er birt með fyrirvara um breytingar*

Afurðarstöðvarverð til bænda hækkar

Verðlagsnefnd búvara hefur ákveðið að þann 1. nóvember n.k. muni verð á mjólk til bænda hækka um 0,62 kr. á lítrann. Þessi ákvörðun er tekin með hliðsjón af þeim hækkunum sem orðið hafa á aðföngum kúabænda, ekki síst á fódri. Þær hafa valdið hækkun á launalið verðlagsgrundvallarins. Lágmarksverð mjólkur verður þar með 49,26 kr/lítra.

Sú verðstöðvun á heilðsöluverði mjólkur og mjólkurafurða frá afurðastöðvum sem ríkt hefur verður áfram. Hækkunin á launalið bænda mun því ekki hafa áhrif á verðlagið heldur tekur mjólkurvinnslan hana á sig.

Umtalsverðar hækkunir hafa orðið á aðföngum bænda undanfarna mánuði og meðal annars var mjólkurverð til bænda hækkað um 1,19 kr/lítra þann 1. júní s.l. vegna þeirra. Þá hækkuðu mjólkuriðnaðurinn einnig alfarið á sig.

Hönnun fjósa hefur engum endapunkti náð

Priðjudaginn 23. október sl. hélt LBHÍ námskeiðið „Legubásafjós, notuð og ný á Hvanneyri“. Snorri Sigurðsson var fyrirlesari og fór hann m.a. yfir reynslu bænda í 21 nýlegu legubásafjósi á Íslandi en fjósin öll hafði Snorri skoðað og tekið út stuttu fyrir námsekiðið. Bæði var um að ræða nýjar byggingar sem hannaðar höfðu verið frá grunni sem legubásafjós en einnig eldri byggingar sem breytt hafði verið í legubásafjós. Í heimsóknum sínum hafði Snorri tekið viðtal við ábúendur um reynslu þeirra af fjósum sínum. Í viðtölunum sögðu bændur almennt að eftir á að hyggja hefðu þeir eytt of stuttum tíma í undirbúning og hugmyndavinnu áður en að framkvæmdum kom. Þó var margt sem tekist hafði afar vel en helstu vankantar í hönnun sneru m.a. að eftirfarandi þáttum:

- Staðsetning fjóss ekki ákveðin með bestu nýtingu náttúrulegrar loftræstingar í huga s.s. ríkjandi vindáttá...
- Staðsetning fjóss ekki ákveðin með stækkunarmöguleika í huga...
- Staðsetning fjóss ekki ákveðin með nýtingu beitar í huga - rekstrarleiðir...
- Staðsetning fjóss ekki ákveðin með aðgengi og aðkomu farartækja í huga (fóðurbílar, sláturbílar, mjólkurbílar, heyflutningar, dýralækna sæðingamenn)...
- Blandað saman mismunandi byggingarefnum s.s. ryðfríu og galvaniseruðu sem alls ekki má...
- Skráfur til að festa yleiningar einfaldlega rangar (ryðga/tærast)...
- Álagsstaðir á yleiningar ekki varðir sérstaklega, t.d. þar sem þrifa þarf oft...
- Aðstöðu vantar eða er illa staðsett fyrir ýmsar daglegar rekstrarvörur s.s. steinefnapoka, kálfaduft, spæni, kústinn o.þ.h...
- Loftræsting í vélarými fjóss vantar nánast alltaf...
- Burðar og sjúkrastríur of litlar eða of fáar...
- Hliðar burðar og sjúkrastría oftast nær fastar... (getur verið gott að losa einhverja hliðina þegar hjálpa þarf kú)...
- Hönnun hvers konar lagna víða ábótavant, s.s. raflagna, vatnslagna, lagna vegna flórskafa, lagna vegna eftirlitskerfa...
- Léleg vinnubrögð við lagningu lagna, jafnvel þó hönnun sé í lagi...
- Vatnshalli gólfa mjög víða í ólagi - ótrúlega algengt vandamál...
- Niðurföll ýmist eða allt í senn of fá, of lítil eða vitlaust staðsett...
- Gönguhurðir, s.s. inn í mjólkurhús opnast út sem eykur hættu á að þær fjúki upp...
- Lýsing í fjósum almennt ekki hönnuð sérstaklega...
- Dren vantar í hálmstíur, ekki síst vegna þrifa...
- Básar of stuttir (hvar kýrnar liggja í básnum á að stilla af með herðakambsslá/kodda)...
- Timbur í gripaaðstöðu endist ekki, hvort sem um er að ræða krossvið eða þykka planku - nota plastefni!
- Vinnuástaða fyrir þjónustuaðila, s.s. dýralækna og

frjótækna - (festa kýrnar svo hægt sé að sæða þær, skrifpúlt til að fylla út skýrslur, aðstaða til að þrifa sig...)

- Geta opnað rennihurðirnar utan frá t.d. ef kviknar í eins og nýlegt dæmi frá Sólheimum í Hrunamannahreppi sýndi fram á...

Einnig sagði Snorri frá ráðstefnu fjóshönnuða sem haldið var í Finnlandi á árinu. Þar voru saman komnir margir af helstu fjóshönnuðum á Norðurlöndunum sem miðluðu af reynslu sinni og þekkingu.

Samandregnar niðurstöður þeirra voru á þá leið að árið 2007 er árið sem hætt er að kynna nautgripi fyrir steinsteypu á gólfum en nútíma hönnun gerir ráð fyrir að gúmmímottur þeki alla steypa gólfleti, hvort sem um er að ræða heil gólf eða rimlagólf. Náttúrulegt slit klaufa sé ekki aðalatriði heldur viðurkennd staðreynd að kýr þurfa reglubundinn klaufskurð rétt eins og reiðhestar þurfa reglubundna járnungu.

Jóhannes Hr. Símonarson

Ábending til ábúenda á lögbýlum

Eigendum og ábúendum lögbýla er bent á að það er þeirra hlutverk að tryggja að skráning sé rétt í lögbýlaskrá. Ef margir eigendur eru að lögbýli þarf að gera skriflegan samning (byggingabréf) við væntanlega ábúendur sem jafnframt þurfa að hafa lögheimili á jörðinni. Þinglýsa þarf byggingabréfi og senda afrit til lögbýlaskrár. Ef eigandi er sjálfur ábúandi þarf samt sem áður að senda tilkynningu um það til lögbýlaskrár.

Sem dæmi um hag bænda af réttri skráningu hafa þeir einir heimild til að fá felld niður vörugjöld af dráttarvélum skv. 5. grein laga nr. 29/1993 sem skráðir eru ábúendur á lögbýlum skv. lögbýlaskrá og eiga þar lögheimili.

Lögbýlaskrá er vistuð hjá Hagþjónustu landbúnaðarins á Hvanneyri. Verkefnisstjóri lögbýlaskrár er Ásdís B. Geirdal og hægt er að hafa samband við hana á í síma 433-7082 ef fá þarf frekari upplýsingar.

Rekstur kúabúa 2006

Uppgjöri SUNNU-búa fyrir rekstrarárið 2006 er nú lokið og hefur sammanburðaryfirlit þegar verið sent bændum í verkefninu ásamt útskýringum. Kúabúin sem uppfylla skilyrði til sammanburðar (hafa nánast allar sínar búgreinatekjur af nautgriparækt) voru að þessu sinni 67 talsins og ættu því að gefa ágæta mynd af rekstri kúabúa á líðnu ári.

Meðaltölin sýna m.a. að búgreinatekjur kúabús (mjólk+kjöt), umreiknað sem tekjur á hvern innvegin lítra mjólkur var 95 kr., breytilegur kostnaður við framleiðslu var 35,1 kr/l., hálfastur kostnaður var 18 kr/l. og fjármagnskostnaður (vextir, verðbætur og gengisbreytingar) var að meðaltali 23,7 kr. Niðurstaðan er að handbært fé frá rekstri kúabúa var að jafnaði 18,2 kr á hvern innvegin lítra mjólkur sem þarf að duga til að greiða afborganir lána og eigendum til framfærslu. Ef við tökum að auki með í reikninginn afskriftir (án niðurfærslu greiðslumarks), þ.e. verðryrnun útihúsa, véla og tækja sem eru að jafnaði 15,3 kr er afkoman 2,9 kr á hvern innvegin lítra. Hvar stendur þú í þessum sammanburði?

Jóhannes Hr. Símonarson

Félagsráðsfundur FKS 15. okt. 2007

Fundur í Félagsráði Félags kúabænda á Suðurlandi mánudaginn 15. október 2007 kl. 11.00
Fundarsalur MS á Selfossi

1. Fundarsetning.

Sigurður Loftsson formaður setti fund, bauð fundarmenn velkomna og kynnti gesti fundarins, þá Magnús Ólafsson og Pálma Vilhjálmsson frá MS. Þeir félagar mættu í forföllum Egils Sigurðssonar á Berustöðum, formanns Auðhumlu, sem kynntur hafði verið í fundarboði.

2. Skipulagsbreytingar innan MS og greiðslur fyrir umfram mjólk.

Sigurður Loftsson fór yfir ástæður þess að þessi liður væri sérstaklega á dagskrá en umtalsverðar skipulagsbreytingar hafa verið kynntar hjá MS að undanförunu. Eins væri það allnokkur breyting að MS hafi aðeins lokað 27 krónum á hvern innveginn líter umfram greiðslumark á nýbyrjuðu verðlagsári, í stað fulls afurðastöðvarverðs líkt og á liðnu verðlagsári.

Magnús Ólafsson hjá MS hafði framsögu um þær tillögur að skipulagsbreytingum sem MS hefur hugsað sér að ráðast í. Síðastliðið vor var skipaður fimm manna vinnuhópur til að koma með tillögur að hagræðingaraðgerðum sem lagðar voru fyrir stjórn Mjólkursamsölunnar. Einhagræðingaraðgerðin var að leggja niður mjólkurvinnslu á Egilsstöðum. Niðurstaðan eftir miklar umræður meðal bænda og í þjóðfélaginu var að hætta við að leggja afurðastöðina niður en þess í stað verður starfsemin minnkuð töluvert frá því sem nú er. Aðrar hagræðingaraðgerðir gera t.d. ráð fyrir að allri mjólkurpökkun verði hætt á Sauðárkróki en ostagerð þar verði eflað. Einnig verður öll dreifing og meginþættir vinnslunnar í OSS færðar yfir í húsnæði MS að Bitruhálsi 1 og húsnæði OSS trúlega selt. Lóð OSS er talin mjög verðmæt og byggingaréttur lóðarinnar er umtalsvert meiri en nú er nýttur. Megintilgangur breytinganna er að nýta sem allra best þá fermetra sem MS hefur yfir að ráða. Áætlaður árlegur sparnaður við fyrirhugaðar hagræðingaraðgerðir er á bilinu 176-230 milljónir króna.

Magnús flutti einnig fréttir af IDF þingi (Alþjóðleg samtök mjólkuriðnaðarins) sem nýverið var haldið í Dublin á Írlandi. Í IDF eru nú 45 lönd sem samtals eru með um 75% af allri mjólkurframleiðslu í heiminum. Fram kom á þinginu að írskir bændur hefðu í sumar fengið 35 eurocent fyrir innlagðan líter en meira sé greitt fyrir vetrarmjólk eða 45 eurocent á innlagðan líter. Þá var á þinginu fjallað um gríðarlega hátt verð á landi sem víða hefur áhrif á dreifingu mjólkurframleiðslunnar. Dæmi var nefnt að fyrir nokkru voru 45 ha lands seldir á Írlandi fyrir 2,4 milljónir evra sem í ISK samsvarar um 5 milljónum á hvern hektara.

Írskur bóndi hélt erindi um hlutafélagavæðing mjólkurframleiðenda. Hann sagðist sjálfur vera hluthafi í mjólkurframleiðslufyrirtæki í Argentínu (20 hluthafar) og einnig hluthafi í stærra mjólkurframleiðslufyrirtæki í USA. Hans niðurstaða var að á næstu 3-5 árum myndu þessi hlutafélög rata inn í kauphallirnar líkt og hvert annað hlutafélag.

Á þinginu var rakið að verð á mjólk er gríðarlega hátt nú um stundir og hærra en menn hafa séð áður. Líklegt er að verðið muni haldast

svona hátt a.m.k. næstu tvö ár vegna mikillar eftirspurnar þar sem neyslan hefur verið meiri en framleiðslan. Mikil eftirspurn sé t.d. eftir mjólkurvörum í Asíu í kjölfar betri efnahags í þeim heimshluta. Aukin etanólframleiðsla hefur einnig gríðarleg áhrif á verð á fóðri sem aftur leiðir af sér verðhækkunir á mjólk. Á móti kemur að umræðan í EU um að leggja niður mjólkurkvótann árið 2015 hefur væntanlega áhrif til lækkunar á mjólkurverði. Magnús taldi mikilvægt fyrir Ísland að taka þátt í störfum IDF þar sem samtökin eru mikið í að vakta hagsmuni mjólkuriðnaðarins og mjólkurframleiðenda hvað varðar lög og reglugerðir.

Reglulega efnir IDF til auglýsingasamkeppni þar sem besta auglýsingaherferðin er valin. OSS sendi auglýsingu í keppnina fyrir tveimur árum og fékk auglýsingin útnefningu þó hún hefði ekki unnið. Að þessu sinni vakti bandarísk herferð mikla athygli en þar hefur mjólkuriðnaðurinn gengið til samstarfs við pizzuframleiðendur til að vekja athygli á að þegar maður borðar pizzu er maður að borða mikið af mjólkurvörum. Að lokum minntist Magnús á samtökin DGP, sem eru samtök stórfyrirtækja í mjólkuriðnaði s.s. Nestlé og Campina, en samtökin voru stofnuð fyrir tveimur árum. Þau hafa með sér samstarf um að auglýsa mjólk og slíka hluti.

Sigurður formaður spyr út í hækkun á mjólkurvörum erlendis og hverjar séu raunverulegar líkur á að verðið haldist áfram hátt. Þekkt sé að það sem fari hratt upp fari einnig hratt niður. Magnús svarar að erfitt sé að spá fyrir um þróunina. Nefnir þó sem dæmi að Pólland og Úkraína gætu trúlega framleitt mjólk fyrir alla Evrópu ef vilji væri til þess. Við inngöngu Póllands í EU var settur kvóti á mjólkurframleiðsluna sem takmarkar mjög framleiðslu þeirra. Hins vegar séu líkur á að þar leynist mikil framleiðslugeta sem komi í ljós þegar og ef mjólkurkvóti verði lagður niður í EU. Ef mikil aukning í framleiðslu á því svæði verði raunin gæti slíkt leitt til lækkunar á mjólkurvörum en á móti kemur aukin eftirspurn í Asíu. Greinilegt er þó að mikil bjartsýni sé í bændum erlendis, t.d. á Írlandi.

Elín í Egilsstaðakoti spyr um uppbyggingu MS á Selfossi. Magnús svarar að engin ákvörðun hafi verið tekin önnur en sú að byggja upp á Selfossi líkt og áður hafi verið kynnt þó uppbyggingunni hafi seinkað.

Pálmi Vilhjálmsson hjá MS tók við framsögu og fór enn frekar yfir ástæður þess að ætlunin var að loka á Egilsstöðum. Ástæðuna sagði hann fyrst og fremst þá að mögulegt væri að framleiða þær vörur sem nú væru framleiddar á Egilsstöðum í öðrum afurðastöðvum fyrirtækisins með þeim tækjabúnaði sem þar væri fyrir. Einnig talaði hann um að ætlunin væri að ná jafnvel enn meiri ávinningi út úr hagræðingarferlinu en áætlanir segðu til um. Pálmi benti á að síðan 1998 hefur vinnslu og dreifingarkostnaður aðeins verið hækkaður einu sinni samkvæmt útreiknaðri þörf en í öðrum tilvikum hefur tekist að hagræða á móti. Á sama tíma hefur fyrirtækið greitt talsverðar upphæðir í yfirverð til frameiðenda á hverju ári. Einnig þyrfti að hafa í huga að í ljósi hækkandi verðs á mjólkurvörum erlendis og verðstöðvunar á mjólk héraðs hefði verðbilið á milli Íslands og annarra landa minnkað mikið.

Pálmi fór yfir framleiðslu fyrirtækisins og birgðahald. Nú er nægjanlegt magn af birgðum til staðar en undangengin áratug hafa birgðir oft verið heldur litlar til að mæta sveiflum. Sala mjólkurvara er nú á bilinu 114-115 milljónir lítra á próteingrunni en innvigtuð mjólk á liðnu verðlagsári var 123,6 millj. lítra. Athygli vekur auking í sölu á

viðbiti og með sama áframhaldi verður jafnvægi í sölu á fitu og próteini árin 2010-2011.

Pálmi fór yfir forsendur þeirrar ákvörðunar að greiða 27 krónur fyrir umframlítrann. Þegar nægar birgðir séu til staðar verði að selja umframlítrana úr landi. Áætlaðar tekjur af lítranum erlendis er 38 ISK en kostnaður við úrvinnslu og sendingu er um 11 kr. Afgangurinn er því 27 kr miðað við að gengi bandaríska dollarans sé 65 kr. Ekki sé raunhæft að fá hærra verð erlendis en þarlendir bændur fá fyrir sínar afurðir þegar verið er að flytja út t.d. undanrennuduft og smjör og ost í blokkum.

Spurt var út í stöðu framleiðenda sem ekki hafi greiðslumark en selji sínar vörur á innanlandsmarkaði. Pálmi svarar að MS sé að skoða málið lögfræðilega.

Talsverðar umræður urðu um skipulagsbreytingar hjá MS s.s. að hætt hefði verið við að loka á Egilsstöðum. Einnig urðu nokkrar umræður um það verð á umfram mjólk sem MS er tilbúið að greiða. Pálmi ítrekar að það verð sem MS hafi birt sé lágmarksverð og ef eitthvað breytist þannig að MS geti greitt hærra verð þá verði það örugglega gert. Ekki séu hins vegar forsendur til að tilkynna neitt frekar um hækkun á verði á umfram mjólk.

Birna á Reykjum og Magnús Ólafsson fjölluðu um sölu MS á Remfló en þau voru í starfshópi MS sem kom að málinu. Remfló hefur sinnt neyðarþjónustu sem MS hefur niðurgreitt en það kostaði félagið töluvert. Remfló skilaði MS ekki hagnaði eins og það var uppbyggt. Auk þess var ekki talið rétt að MS væri að standa í samkeppnisrekstri í gegnum eignarhlut sinn í Remfló. Mjólkureftirlit hefur verið rekið mjög mismunandi eftir afurðastöðvum. Í kjölfar ítarlegrar skoðunar var ákveðið að selja verslunar- og varahlutalager Remfló en sá hluti fyrirtækisins sem eftir yrði myndi sjá um mjólkureftirlitið. Niðurstaðan var sú að á vegum MS verði fjórir mjólkureftirlitsmenn starfandi, þar af tveir á Suðurlandi. Að auki verður Sigurður Grétarsson staðsettur á Suðurlandi en hann mun hafa yfirumsjón með mjólkureftirliti á landsvisu. Jötunn vélar hafa keypt verslunina og varahlutalagerinn og mun reka þann hluta fyrirtækisins með svipuðu sniði og verið hefur fyrst um sinn. Jötunn vélar hafa einnig tryggt sér áframhaldandi samstarf við SAC í Danmörku. Verið er að skoða hvort áfram fáiast að senda vörur með mjólkurbílunum líkt og verið hefur um langt árabil.

Magnús Ólafsson og Pálmi Vilhjálmsson víkja af fundi.

3. Horfur í verðlagsmálum og afkoma greinarinnar.

Sigurður formaður fór yfir verðlagsgrundvöll mjólkur. Verðlagsgrundvöllurinn sýnir að þó að launaliður bændna hækki, á kostnað afurðastöðvanna, í takt við almenna verðlagsþróun vanti enn upp á tæpa krónu til að veða upp á móti hækkingu rekstrarkostnaðar. Ófært sé annað en að mjólkurverður hækki á markaði til að veða það upp. Eru þá ekki taldar með þær umtalsverðu verðlagshækkanir, ekki síst á kjarnfóðri, sem hafa komið til eftir 1. september 2007. Ljóst er að erfitt verður fyrir greinina að bera þær hækkanir óbættar til áramóta 2008/2009. Það hefur því verið rætt innan LK að biða eftir niðurstöðu verðlagsmælinga 1. des, eða þá að mjólkurverð verði endurskoðað að nýju eftir fyrsta ársfjórðung. Verðlagsnefnd hefur ekki enn hafið hauststörf sín en fyrsti vinnufundur nefndarinnar hefur verið boðaður á mánudaginn 22. október n.k.

Farið var yfir niðurstöður Hagþjónustu landbúnaðarins og SUNNU verkefnisins frá árinu 2006. Niðurstöður beggja eru nokkuð samhljóða um að breytilegur kostnaður við framleiðsluna sé á bilinu

34-35 krónur á hvern innveginn líter. Einnig er ljóst að fjármagnskostnaður (vextir og verðbætur) hefur hækkað mjög milli ára og vegur orðið mjög þungt í rekstri kúabúa eða um 23-24 kr á hvern innveginn líter.

4. Endurskoðun á þjónustu Búnaðarsambands Suðurlands og fjármögnun hennar.

Sigurður formaður fór yfir samþykkt frá aðalfundi BSSL 2007 þar sem samþykkt var að skipa starfsnefnd til að endurskoða starfsemi Búnaðarsambandsins. Starfsnefndin hefur þegar verið skipuð og hafa þar kúabændur, sauðfjárbændur og hrossabændur hvert sinn fulltrúa auk tveggja fulltrúa sem tilnefndir eru af Búnaðarsambandinu sjálfu. Sigurður lagði fram vinnuskjal þar sem fram komu árleg framlög úr búnaðarlagasamningi og frá búnaðargjaldi. Rætt um starfsemi Bjargráðasjóðs og hvort áhugi væri meðal tryggingafélagana að bjóða bændum upp á sambærilegar tryggingar og Bjargráðasjóður býður upp á í dag. Rætt um starfsemi BSSL og hlut kúabænda í greiddu búnaðargjaldi til Búnaðarsambandsins.

5. Staða viðræðna um formbreytingu stuðnings í núverandi mjólkursamningi og stefnumótun þess næsta.

Sigurður formaður fór yfir formbreytingu stuðnings í núverandi mjólkursamningi. Þær 49 milljónir sem fara áttu í óframleiðslutengdan stuðning frá 1. september 2007 var útdeilt í samræmi við greiðslumark hvers og eins og greitt út sem eingreiðsla nú í september. Ekki hafði tekist að semja um útfærslu stuðningsins í tíma eins og ætlunin var í mjólkursamningi. Ekkert hefur verið aðhafst frekar varðandi útfærslu þeirra hugmynda sem fyrir lágu í vor varðandi umræddar formbreytingar. Því þrengir sífelld að þeim tíma sem aflögu er vegna verðlagsársins 2008/2009 enda mikilvægt að formbreytingar sem þessar séu kynntar í tíma svo bændur nái að laga sig að þeim. Í ljósi þess aukast stöðugt líkur eru á að fjármagnið fyrir næsta verðlagsár verði greitt út með svipuðum hætti og nú.

Í framhaldi af ályktun síðasta aðalfundar LK ákvað stjórn LK á síðasta fundi sínum að hefja undirbúning að stefnumótun vegna næsta mjólkursamnings. Ákveðið var að mynda stefnumótunarhóp en ekki liggur enn fyrir staðfest hverjir verða í þeim hóp. Þó er gert ráð fyrir að um verði að ræða fremur stóran hóp með starfandi framkvæmdanefnd.

6. Önnur mál.

Sigurður formaður minnti fundarmenn á haustfundi LK sem standa fyrir dyrum þar sem m.a. verður farið yfir skýrslu LBHÍ um innflutning á nýju kúakyni. Haustfundirnir hefjast á Suðurlandi. Einnig var minnt á að árshátið LK verður haldin á Selfossi 5. apríl 2008 í kjölfar aðalfundar.

Sigurður formaður tjáði fundarmönnum að undirbúningnefnd fyrir Landbúnaðarsýninguna sem halda á í ágúst 2008 hefði skilað af sér í liðinni viku og næsta verk væri að skipa framkvæmdanefnd. Stefnt er að því að sýningin verði á Hellu í reiðhöllinni sem þá á að vera risin.

Bóel á Móeiðarhvoli spyr um aðkomu félagsins varðandi reglur um flutning á lifandi gripum. Sigurður formaður svarar og segir að málum sem þessum hafi fjölgað undanfarið. Stjórn LK hefur boðið Landbúnaðarstofnun upp á samstarf um að endurskoða reglurnar og leggja til að fenginn verði aðstoð utanaðkomandi aðila.

Fleira ekki gert og fundi slitið kl. 16.20.

Skýrsluhald í hrossarækt

Bændasamtök Íslands stefndu að því að gera rafræna skráningu á folöldum mögulega fyrir haustið en það tókst ekki. Ræktendur munu því fljótlega fá sendar með pósti folalda- og afdrifaskýrslur. Rétt er að minna á að á folaldsskýrslunni þarf að gera grein fyrir afdrifi fangs þ.e. var hryssunni ekki haldið (árið 2006) eða var hún geld. Oft á tíðum gera ræktendur einungis grein fyrir fæddum folöldum. Upplýsingar um afdrif fangs eru hins vegar gagnlegar til að fá upplýsingar um frjósemi. Það hlýtur að vera mjög áhugavert fyrir hryssueigandann að geta skoðað hvernig hver hryssa á búinu er að standa sig. Á hryssan folald á hverju ári eða reynist hún oft vera geld, kemur hún upp folaldi á hverju ári eða drepur hún oft undan sér. Allar slíkar upplýsingar getur Worldfengur haldið utan um ef upplýsingarnar berast í hann. Á afdrifaskýrslunni geta ræktendur haft eigendaskipti á hrossum og er þá mikilvægt að fram komi kennitala nýs eiganda og að fyrri eigandi skrifi undir afdrifaskýrsluna neðst á blaðinu. Skýrslunum er best að skila sem fyrst til Búnaðarsambandsins til að hægt sé að skrá þær inn í Worldfeng.

Fjöldi ásettra folalda haustið 2006 á landinu var 6.409, samkvæmt forðagæsluskýrslum 2006. Til samanburðar voru haustið 2005 ásett folöld 5.692, þannig talsverð auking er í ásetningi á milli ára. Í töflu 1 má sjá fjölda ásettra folalda á Suðurlandi og þar kemur glögg fram að ásetningur er að aukast bæði í Árnes- og Rangárvallasýslum.

Tafla 1. Fjöldi ásettra folalda á Suðurlandi á árunum 2003-2006

	2003	2004	2005	2006
V- Skaft.	53	57	45	51
Rangárvallasýsla	1.073	1.233	1.234	1.431
Árnessýsla	832	982	1.040	1.221
Samtals:	1.958	2.272	2.319	2.703
Landið allt:	4.902	5.597	5.692	6.409

Aukningu í ásetningi má sennilega skýra með bættri afkomu í búgreininni. Þátttaka í skýrsluhaldi er orðin mjög almenn enda einstaklingsmerkingar verið skylda síðan 2003. Af ásettum folöldum haustið 2006 á landsvísu eru 90% þegar skráð í WF. Í töflu 2 má sjá hvernig útkoman er hér á Suðurlandi eftir sýslum.

Tafla 2. Hlutfall skýrslufærðra og ásettra folalda á Suðurlandi 2006

	Ásett folöld	Skráð í WF	Hlutfall
V- Skaft.	51	41	80,30%
Rangárvallasýsla	1.431	1.420	99,20%
Árnessýsla	1.221	876	71,70%
Samtals:	2.703	2.337	86,50%
Landið allt:	6.409	5.785	90,30%

Ræktendur í Rangárvallasýslu standa sig með stakri þryði en ræktendur í Árnessýslu og V-Skaftafellssýslu gætu gert betur.

Halla Eygló Sveinsdóttir

DNA- greining hrossa

Rétt er að minna ræktendur á að til þess að folöld fædd 2007 fái A-vottun verður að liggja fyrir sönnun á ætterni. Það er því mikilvægt að þeir sem vilja tryggja sér þessa vottun láti taka DNA- sýni úr folöldum og mæðrum þeirra hafi það ekki þegar verið gert. Búið er að DNA- greina stóran hluta sýndra stóðhesta og í vor var það eitt af skilyrðum fyrir því að stóðhestar 5 vetra og eldri fengju dóm að búið væri að taka stroksýni til DNA-greiningar. Þeir ræktendur sem eiga stóðhestsefni eða stóðhesta sem ekki hefur verið tekið stroksýni úr eru hvattir til að taka þátt í þessu verkefni.



Ljósmynd: Magnús Hlynur Hreiðarsson

Aðgerðin er einföld, tekið er stroksýni úr nös með nokkurs konar eyrnapippa og það síðan sent til greiningar hjá líftæknifyrirtækinu Matis ohf./Prokaria. Niðurstöður DNA-greiningar eru síðan lesnar inn í Worldfeng að lokinni greiningu. Ekki er tekið sýni úr hrossum nema þau séu einstaklingsmerkt, þ.e. ör- eða frostmerkt.

Gjaldskráin er eftirfarandi:

Tímagjald fyrir sýnatöku og frágang sýna 3.000 kr/klst + vsk

Komugjald 2.100 + vsk

Greining á sýni 1.750 kr + vsk

Sýnaglas 250 kr + vsk

Örmerking 2.000 kr + vsk

Þeir sem hafa hug á að nýta sér þessa þjónustu er bent á að hafa sem fyrst samband við Búnaðarsamband Suðurlands í síma 480-1800 eða senda tölvupóst á netföngin halla@bssl.is eða petur@bssl.is.

Halla Eygló Sveinsdóttir

Kynbótasýningar á starfssvæði BSSL

Á Sörlastöðum í Hafnarfirði voru haldnar tvær kynbótasýningar í vor og á Gaddstaðflötum voru að venju tvær sýningar, að vori og síðsumars. Alls voru á þessum sýningum sýnd 950 hross. Á landinu öllu voru dæmd 1.305 hross. Hross dæmd á Fjórðungsmóti Austurlands eru ekki með í þeirri tölu en þar voru dæmd 36 hross. Stærsti hluti dæmdra hrossa kemur til sýningar á starfssvæði BSSL eða 73%.

Á fyrri sýningunni á Sörlastöðum voru dæmd 108 hross, þar af náðu 28 aðaleinkunn sem er 8,00 eða meira. Á seinni sýningunni á Sörlastöðum voru dæmd 335 hross þar af náðu 103 aðaleinkunn 8,00 eða yfir. Á vorsýningunni á Gaddstaðflötum komu einungis 247 hross til dóms sem er óvenju lítið og þar náðu 80 hross aðaleinkunn 8,00 eða meira. Síðsumarsýning á Gaddstaðflötum varð sú stærsta til þessa en þar hlutu 260 hross dóm og náðu 30 aðaleinkunn 8,00 og yfir. Segja má að styrkleiki hrossa hafi verið mjög svipaður á vorsýningunum en mun lakari á síðsumarsýningunni eins og sjá má í töflum 1 og 2.

Tafla 1. Sýningar á Suðurlandi 2007, hryssur

Sýningarstaður	Fulln. dómur	Bygg. dómur	Alls	Aðaleink. 8,00 >	Hlutfall í 8,00 >
Sörlastaðir I	59	9	68	17	29%
Sörlastaðir II	212	26	238	66	31%
Gaddstaðflatar	137	25	162	41	30%
Síðsumars. Gaddst.fl.	207	34	241	27	13%
SAMTALS	615	94	709	151	25%

Tafla 2. Sýningar á Suðurlandi 2007, stóðhestar

Sýningarstaður	Fulln. dómur	Bygg. dómur	Alls	Aðaleink. 8,00 >	Hlutfall í 8,00 >
Sörlastaðir I	25	13	38	11	44%
Sörlastaðir II	73	23	95	37	51%
Gaddstaðflatar	63	19	82	39	62%
Síðsumars. Gaddst.fl.	12	4	16	3	25%
SAMTALS	173	59	232	90	52%

Ef aldursdreifing á sýningunum er skoðuð má sjá að hlutfallslega flest 4 vetra hrossin koma til dóms á Gaddstaðflötum. Samt sem áður er hlutfall þeirra hrossa sem fara í aðaleinkunn 8,00 eða meira ekki lægra þar. Hlutfall 7 vetra og eldri hrossa er hæst á síðsumarsýningunni á Gaddstaðflötum eða 35%. Í töflu 3 má sjá aldursdreifingu á sýningunum.

Eins og sjá má í töflu 3 eru ekki margir 6 vetra og eldri stóðhestar sem koma til dóms á þessum sýningum. Dæmdir voru 240 stóðhestar þar af voru 85 í flokki 4 vetra, 77 í flokki 5 vetra, 45 í flokki 6 vetra og 25 í flokki 7 vetra og eldri. Það er því alveg ljóst að ræktendur leggja kapp á að koma með 4 og 5 vetra stóðhesta í dóm.

Skiptingin hjá hryssunum er dálítið öðruvísi. Dæmdar voru 710 hryssur. Í flokki 4 vetra 84, í flokki 5 vetra 206, í flokki 6 vetra 177 og í elsta flokknum 243 hryssur. Í hryssunum eru það elstu hryssurnar sem eru flestar sem segir okkur kannski

Tafla 3. Aldursdreifing á kynbótasýningum á starfssvæði BSSL árið 2007.

	Hérðassýning Sörlastaðir I	Héraðssýning Sörlastaðir II	Héraðssýning Gaddstaðflatar	Síðsumarsýn. Gaddstaðfl.
Stóðhestar:				
7 vetra og eldri	5 (1)	9 (1)	8 (0)	3 (0)
6 vetra	7 (1)	22 (1)	13 (0)	3 (0)
5 vetra	13 (5)	35 (6)	22 (1)	7 (1)
4 vetra	13 (6)	30 (15)	39 (18)	3 (3)
Ungfolar	2 (2)	1 (1)	3 (3)	2 (2)
Samtals:	40 (15)	97 (24)	85 (22)	18 (6)
Hryssur:				
7 vetra og eldri	25 (4)	77 (4)	53 (8)	88 (8)
6 vetra	15 (2)	64 (9)	38 (6)	60 (6)
5 vetra	25 (3)	61 (5)	49 (7)	71 (13)
4 vetra	3 (0)	36 (8)	22 (4)	23 (7)
Samtals:	68 (9)	238 (26)	162 (25)	242 (34)
ALLS	108 (24)	335 (50)	247 (47)	260 (40)

*Tölurnar í sviga segja til um fjölda sem eingöngu fær skópulagsdóm.

að ræktendur gefa hryssunum fleiri tækifæri til að sýna sig heldur en stóðhestunum, enda hæpið að fá notkun á stóðhest sem ekki hefur hlotið dóms 4 eða 5 vetra.

Ekki er annað að sjá en allt stefni í feikna sterkt landsmót á Gaddstaðflötum næsta sumar miðað við þau hross sem sáust á kynbótabrautinni í sumar.

Halla Eygló Sveinsdóttir



Efstu 4 vetra hryssurnar á Hérðassýningunni á Gaddstaðflötum 2007. Vænting frá Hruna, knapi Viðja Hreggviðsdóttir, Kría frá Litlalandi, knapi Erlingur Erlingsson, Prenna frá Strandarhjáleigu, knapi Elvar Þormarsson, Brella frá Feti, knapi Ævar Örn Guðjónsson og Snót frá Þóroddsstöðum, knapi Bjarni Bjarnason.



MASSEY FERGUSON



90 - 145 hö

MF 6400 *Dyna-6* Byltingarkennd ný gírskipting



Vinstra megin:
Power Control handfang



Hægra megin:
Gírstöng og AutoDrive
snúningsrofi

Stærsti innflytjandi
dráttarvéla á Íslandi

MF 6400 - nútímatækni.

Markmiðið er einföld, rökrétt og hröð vinna.

Hin nýhannaða MF Dyna-6 gírskipting skapar alveg ný viðmið í meðferð, viðkynningu, sveigjanleika og afköstum.

Dyna-6 byggir á margreyndum eiginleikum MF Dynashift gírskiptingarinnar. Dyna-6 er með sex kúplingsfríum milligírurum í staðinn fyrir fjóra hefðbundna sem vikka notkunarviðið mikið og gefa hámarksafköst við allar aðstæður.

Og ekki nóg með það. Í nýju MF 6400 línunni höfum við sameinað nýjustu og framúrstefnulegustu tækni MF. Þess vegna hefur MF 6400 línán hlotið verðlaunin "New Equipment Award" á Royal Show í Englandi.



Hafðu samband við sölumenn okkar til að fá nánari upplýsingar.

JÖTUNN • VÉLAR ehf.

Jötunn Vélar hf - Austurvegur 69 - 800 Selfoss
Sími: 480 0400 - Fax: 482 4108 - www.jotunn.is